

# 卷七



書名 宗子相集十四卷 嘉靖三十九年序刊本  
 撰者 明 宗臣 撰  
 卷 卷七  
 內容分類 集- 別集- 明中葉  
 索書號 集部- 別集- 7- 104  
 編號 D7451100

彩色首頁1

[東洋文化研究所漢籍目錄 編號: D7451100](#)

[東洋文化研究所漢籍目錄所藏漢籍善本全文影像資料庫 索書號: 集部- 別集- 7- 104](#)

[漢籍善本全文影像資料庫文本宗子相集十四卷 嘉靖三十九年序刊本](#)

版權所有: [東京大學](#) [東洋文化研究所](#)

[使用上的注意事項](#)

## 宗子相集賦卷之一

門人

趙秉忠  
王同讚  
陳學麟

鄭應齡  
蕭時中  
黃其暉

謝璿  
魏廷言  
王葵  
同校刊

釣臺賦 有序

予聞嚴子釣臺舊矣丁巳秋予以叅

藩赴閩取道兩越始登厥臺徘徊焉


商飈西來萬山颯搖我心傷悲爰申

厥詞把酒放歌白雲莽互豈君之聞

歌而來哉

東方文化學院東京研究所

No. 1708 七









宗子相集七言律詩卷之七

門人

林朝聘  
黃中  
趙日新

黃才敏  
朱應遇  
陳汝揚

汪望棟  
謝符  
同校刊  
謝克曾

春日

帝里頻看柳色新  
那能金馬坐沉淪  
誰家羗笛吹明月  
無數梅花落早春  
群盜烽烟時更急  
五陵冠蓋相親故  
園歲事滄江上  
腸斷孤舟起釣綸

送八還楚

七言律詩  
蘄門搖落朔雲秋爾去千山落日愁白髮  
行藏孤劍在青楓舟楫大江流楚人昔有  
懷沙怨湘水今還鼓瑟留念我好傳鴻鴈  
曲月明應醉庾公樓

寄趙山人

別來音書何太稀寒南日日秋鴻飛青山  
一去誰消息白髮雙垂今是非歲月祗窮  
詞客路薜蘿難負楚人衣故園剩有滄浪  
水寒雨江楓吾賦歸

省樓春集

朝來鳴珮散長安漢署千花覆石欄把酒  
逢君歌北鴈上書有客泣南冠萬家芳草  
悲春暮三月高松過雨殘欲寄愁心與白  
日浮雲滿日不勝寒

午日同于鱗子與集公實時值雷雨

蘄門芳草逐人來午日新蒲對酒開沉陸  
揔為方朔侶懷沙獨惜楚臣才人間翹翹  
雷堪走海上蛟龍雨不回夜半浮雲難去

女更堪孤角鳳城哀

秋日寄袁二丈

清秋何處問吾廬  
落日他鄉淚滿裾  
胡馬頻年為客計  
塞鴻八月故人書  
白蘋江上共誰把  
紫葢山中好自鋤  
只恐凌雲稱賦者  
漢家久矣待相如

送施明府之蕭山

馬上秋風吹客纓  
送君千里越中行  
芙蓉落日憑誰語  
楊柳寒江非世情  
群盜羽書

仍北向頻年將相議  
南征白雲茂宰今者  
女莫問飛鳧向帝京

二月三首

二月春華滿鳳城  
萬家楊柳共愁生  
烽高紫塞愁都護  
詔下甘泉議止征  
昨日羈縻胡市馬  
西風蕭瑟漢臣纓  
瓊衣玉札殊恩澤  
早把勲勞荅聖明

薊門芳草滿長衢  
是處黃金不可無  
西入羽書三輔急  
北方龍氣七陵孤  
天王按

劍思臨塞大將觀兵豈備胡報主憂時今  
更切敢將心事問江湖

聞道元戎出帝畿  
即看速道耀軍威  
漢金百萬朝通使  
胡騎三千夜解圍  
塞上烽煙何日定  
山中麋鹿計全非  
由來天意高難問  
徒自燕雲滯客衣

寄許殿卿

聲名歷下共羊何  
海岱秋雲幾度過  
燕市黃金圖駿少  
齊人白石飯牛多  
山中夜賦

深風雨醉後春衣泣  
薜蘿 聖世才賢俱  
近幸碧池芳草待  
鳴珂

寄沈二丈

長髯短髮近何如  
湖北湖南定卜居  
琴裏瀟湘中散曲  
池邊風雨右軍書  
秋來雙逕誰看菊  
月下清尊自摘蔬  
舊日綸竿還好  
在豈能終負楚江漁

寄懷子培舍弟

故園春草日依依  
別後池塘今是非  
明月



江楓頻憶弟，清秋塞鴈一沾衣。病多客枕  
餘芝朮，書去名山問薜薇。聞道滄洲新水  
濶，可憐鷗鷺滿漁磯。

省中齋居，貽于鱗子與公實元美四

比部

向夕停珂省閣幽，吏人猶自進春裘。蓬萊  
雙闕金莖遠，閭闔千門紫氣流。明月在天  
難命駕，白雲垂戶好登樓。明朝獻賦甘泉  
者，漢時秦祠非昔遊。

送熊守之太倉，因便省覲

美爾新分刺史符，南方千騎亂平蕪。瀟湘  
天濶春歸楚，震澤風高曉入吳。父老幾年  
憂戰伐，使君到日問樵蘇。薊門舊侶能相



憶八月雙鴻起太湖

吳明卿席上有賦

陌上黃金俠者遊  
薊門春草暮堪留  
一尊破爾青山夢  
萬里懷人落日愁  
鸚鵡昔悲湘客賦  
鸚鵡初典漢臣裘  
酒闌忽聽孤笳起  
腸斷胡雲出塞秋

望蜀

華髮蕭然寄一官  
于今蜀道更艱難  
北來戎馬應看劍  
南去尊鱸好掛冠  
楊柳豈堪

不  
峽暮薜蘿空對錦江寒  
東山舊日饒書札  
夜夜燈前拭淚看

送冒明府謫教杭州

匹馬天風聽暮笳  
南歸共醉故園花  
尺書在袖逢江鴈  
萬里揚帆似漢槎  
帳下談經餘首藉  
湖中對客半蒹葭  
錢塘歲歲春堪卧  
莫憶漁竿返玉華

送方行人使魯還蜀

仙吏朱衣下紫霄  
天書親捧翠微遙  
梅

花一夜飛羗笛明月千山護使軺  
音向王程逢鴈盡劍門鄉思聽  
猿銷送君雙淚悲游子白髮清江  
正寂寥

得黃山人書

昨日傳書到漢京幾年為客向江  
城懷人夜雨孤尊在聞爾秋霜兩  
鬢生半世行藏頻倚劍各天消息  
一沾纓何時共逐華陽侶手把芙  
蓉對月明

寄馬明府

秋雲何處寄相思華髮知君滿面  
垂去國柴桑陶令醉還家蕙苾漢  
臣悲竟無尺素傳朱鯉或與仙人  
種紫芝一自滄江分折柳十年搖  
落鹿門期

客舍新遷有賦

如何一別淮南桂竟日淹留冀北  
花九塞烽煙仍抱病三年京洛屢  
移家人間歲事催黃鳥江上春衣  
阻赤霞骨肉音書常不斷白雲依  
舊是天涯

送陳使君還楚

使君匹馬向河梁此去江鄉即帝鄉楚客  
多才見鸚鵡漢旌何日渡瀟湘山中杜若  
迎新綬渚上芙蓉念舊裳京洛交游俱近  
幸遲君秋色賦長揚

寄陸子和

江門一別又秋分何處風煙不憶君久客  
衣裳鶉自結舊游尺素鴈為群十年世路  
彫青鬢三嘆斯人卧白雲羽翼南溟最相

近未須重勒北山文

送陳生南還因寄江鄉游好

薊北秋高起夕峰送君南去楚雲重市中  
五斗新豐酒醉後三年長樂鐘耕隴未須  
悲燕雀涉江何處採芙蓉寄言舊日殮霞  
侶曾否天台訪赤松

送李虞部之杭州

一尊宸散帝城遊萬里江雲擁去舟楚國  
芳荃難汝別薊門朝雨為誰留萬家烽燧

胡纓夕八月薰葭海戍秋使者無須頻北  
顧浮雲何處不堪愁

除前錢惟重夜至

朔雪千門擁騎過西風搖落罷鳴珂愁邊  
鴻鴈中原去眼底龍蛇畏路多關塞豈無  
胡馬策江湖真負楚漁歌衣裳歲暮吾將  
換好與青山長薜蘿

旅懷二首

遠塞風高暮角哀浮雲終月去燕臺百年  
駿骨逢時晚十月鴻書隔歲來錦水即從  
巫峽出青山定向劍門開獨傷人事多留  
滯萬里停雲日幾迴

客計年來尚卜居楚江漁父意何如茂陵  
肺病長卿賦漢帝心知賈誼書天地一身  
惟報主烽烟雙眼正愁予秋風萬里吹南  
國叢桂花開滿故廬

寄陸長庚

天涯一自失論文豈有同心不憶君孤客

逢秋悲薊草尺書經歲阻江雲清時易別  
煙霞路明月難隨鹿豕羣便欲投簪滄海  
去兵戈消息不堪聞

韋氏池亭四首同于鱗子與元美賦  
城上春山並騎來曲池芳草好停盃鸕鷀  
水淨窺人立燕雀風高逐岸回  
玄草在帝京三見紫薇開吾將  
賦恠爾臨岐候吏催

雨過林塘花正飛高松細石俯漁磯扁舟

堪長徂萬里滄江湖不歸猿鳥經秋  
小谷淡薜蘿他日只吾衣相逢未可輕相  
負一到紅塵事事違

重來常曲解春襦碣石華陽望不孤萬里  
天風吹短髮千家涼雨颯高梧青山抵負  
漁樵問玄鳥深知日月徂一醉磯邊濯吾  
足却疑身世即江湖

出門駐馬飲平川為爾徘徊下夕煙捐珮  
不堪芳草暮沾衣吾得紫霞篇漁陽戍鼓

東何急易水悲歌昔所憐更欲開尊待新月  
浮雲容易妬嬋娟

寄陳使君

春日春風太可憐憂懷別緒俱茫然江南  
涕淚望松梓冀北花鳥空雲煙鴛鴦暫解  
仙子珮蓼莪應廢門人篇袖中尺素向誰  
寄不見雙鴻飛暮天

西來

西來秋色滿燕山昨夜平胡使者還白羽

八捷黃

班竟何漢

卒屯青海難信班生老玉關聞說單于頰  
出獵相逢馬上看刀環

送王叅軍之橫州

中原落日怨離群萬里關山路又分亂後  
誰為驃騎使征南吾憶伏波軍湘妃班竹  
行秋雨帝者蒼梧起暮雲銅柱高標猶在  
眼好將勲業答明君

諸子夜集

鳴珮朝來散紫宮相逢意氣為誰雄一尊  
醉憶江湖上三月春殘風雨中消渴文園  
卧司馬題書碣石問冥鴻青山南北吾將  
往肯向人間泣路窮

雨中得家書

走馬歸來稍自寬愁邊蕭索漢庭冠葵襖  
不落下枝淨風雨頻生六月寒客到庭階  
驚自出書傳兄弟淚難看兩鄉白髮關河  
阻日日江鴻愧羽翰

再寄素二丈

高秋搖落薊門城萬里相思對月明人在  
薰葭歌白苧病中風雨望金莖關山尺素  
時堪寄南北孤鴻暮不征聞說子雲能獻  
賦長楊羽獵古今名

人日東揚子

游子頻年棲漢庭又看春事落階窠乾坤  
雙眼逢人日江海孤槎是客星病起鬢毛  
知落白愁邊楊柳為誰青風烟况復音書



隔向夕征鴻不可聽

寄懷趙子隆

當日相携十二橋寒江東接廣陵潮青雲  
客計龍門策明月誰家鳳女簫久別書來  
愁鴈驚故園秋盡憶蘭若長安新柳黃金  
色遲爾看花匹馬驕

送人歸淮南

燕市六月芳草斑落日忽驚游子顏騎發  
邯鄲逢趙壁雨來桐栢近淮山黃河日夜

去仍急滄海東南浩不還秋到正逢叢桂  
色王門諸客共誰攀

春興八首

往歲含香紫禁東下官環珮散天風茂陵  
病逐樵人去淮海春殘桂樹叢宦計雲霄  
催敝鳥 王恩日月在冥鴻簡書使者江  
亭滿可得相逢問漢宮

滄洲生事起垂綸蜀使西來淚滿巾萬里  
書傳巫峽雨幾時歸 倘楚江蘋青猿知在

關山聽白髮應催日夜新人世百年堪俯  
仰薊門一別五經春

遙傳塞上又徵兵使者飛書入漢京邊馬  
不歸青海戍朔雲常斷玉關纓七陵松檜  
今開府三輔河山夜勒營自是群公能策  
虜即看赤羽莫深驚

建業春雲咫尺看雲中宮闕舊長安 壽  
陵只在鍾山上紫氣遙憑白日寒劍珮千  
秋還鳳吹關河四顧自龍蟠至今父老談

補武匹馬傳書定契丹

石門草色曳春裾愁裡春花滿舊廬計吏  
徵求那太急蒼生顛顛竟何如黃河北注  
魚龍泣赤壤終年稼穡虛天上近傳優恤  
詔可能一夕起樵漁

中原五子送將歸十二峰頭拾紫薇別後  
何人鸚鵡筆書來念我薜蘿衣邗溝明月  
行將問鴻鵠天風高自飛南北岐途兩無  
賴江門烽火照漁磯

高楊亂石把雕弧，有客頻過問壯圖。落日  
中原停萬騎，悲風禹里下三吳。臺前麋鹿  
秋相泣，海上鯨鯢夜自呼。聞道中丞新授  
命，急將戎馬採姑蘇。  
司馬提兵夜渡河，羽林諸將擁雕戈。青山  
一戰殘鞞鼓，落日千家泣綺羅。盜賊似聞  
能漢語，東南何地不夷歌。浮生轉覺江湖  
窄，難把衣裳任芟荷。

江村

西風朝散漢臣班，萬里江村一夜還。題柱  
聲名空畫省，採芝歲月有青山。烟開曲水  
頻垂釣，日卧蒼梧不掩關。直欲天台拾瑤  
草，何人遞我白雲間。

寄顧純一，時客于揚

自君去矣湖之濱，日夜湖南生白蘋。江雨  
千家任伏枕，潭雲百尺堪垂綸。書傳孤鴈  
正，明月病起空山愁。暮春飛花流水可避  
世，武陵樵者今何人。

寄袁二丈

孤鴻不到海門煙，別後音書動隔年。  
江上暮雲空復好，湖上新月爲誰圓。  
懷人竟負看梅曲，卧病長歌采蕨篇。  
咫尺山陰飛早雪，可能一上剡溪船。

九月寒花照客盃，故人何處獨登臺。  
霜華好與青楓落，秋色能堪白雁催。  
鼓角孤城猶自急，干戈雙眼共誰開。  
知君近有江南賦，千古深知庾信哀。

同子與使君登文游臺臺在高郵

何處星槎使者迴，孤城寒吹共登臺。  
湖間明月雙珠出，雨後青山萬井開。  
鍊石汝從天目到，觀濤誰更廣陵來。  
越吟楚曲俱搖落，江左新驚鼓角哀。

趙山人至

千行垂柳暗江村，江上何人到石門。  
倚杖年華垂素髮，登樓雨色滿清尊。  
驟雷似有蛟龍怒，落日愁聞豺虎喧。  
只此漁舟堪結

侶未須楚水問桃源

贈凌文學

有客問予青鷺洲當年過汝蕪城秋一尊  
樓閣短簫發十里芙蓉片月留別後素書  
不肯寄袖中白璧何所投明朝江路嘆遊  
子莫遣霜華盈鬢衰

拱極臺

高臺此一眺中原臺上空驚夜色繁人在  
千峰明月裏天垂列宿紫微尊秋衣薜荔

真吾計早歲漁樵亦主恩即擬尋仙向

五岳烽烟猶自滯江門

萬里

萬里青楓悲素秋千門風急楚雲流江南  
涕泪重城急海上親朋暮角愁西入戰烽  
迷漢騎年來漁父失江鷗寄言諸將須深  
策早把新軍駐石頭

待元美不至

書來有意問滄波曉起柴門撫舊柯孤楫

中流楊子暮白雲西去秣陵多雙龍一別  
各風雨五斗相逢今薜蘿寄語湖邊垂釣  
者好尋蝦菜待君過  
誰傳消息到湖西欲來不來空杖藜昨日  
石門開枳橘早時孤艇散鳧鷖愁人碧草  
戎戎短候客清尊夜夜携二十四橋今寂  
寞未應重為玉簫迷

真州

十月孤城鼓角哀悲風搖蕩此登臺山形

西轉千虹立濤色東驅萬電開日下白雲  
鐘阜起江南紫氣漢陵來臨流恠尔鮫人  
語一夜乘潮能百迴

寄茂秦

與君秋別薊門鐘每見秋雲不可從雜佩  
相貽仍蕙芷美人一水隔芙蓉月明江上  
歌梁甫病卧山中擬蜀龍盡道漳河成獨  
往十年高咏在青松

送人南歸

楚天搖落欲何之把酒青門泪並垂漢署  
昔題金馬賦淮南秋問桂花枝還家客夢  
寒蟬急去國君恩白髮知歲晚衣裳仍好  
製扁舟隨處有江灘

贈吳子

廣陵城西江可憐廣陵城北草芊芊余看  
鴻鴈歌明月爾客崑崙今幾年湖上一尊  
開橋抽人間雙泪墮嬋娟相逢認是淮南  
侶莫負秋風桂樹篇

寄李順德于鱗

憶爾狂歌滿帝京春來紫綬寄專城漢庭  
詔下二千石良吏人傳卓魯名日落盧龍  
寒朔騎風高逐鹿斷胡纓塞惟定有江門  
思碣石青天是舊盟

暮春

莫向桃花又問津只今已是武陵人經旬  
芝朮還歌枕細雨林塘不住春一入青山  
跡故舊千秋素業在沉淪湖邊似有漁舟

路急與秋風長綠蘋

江上秋高有懷京洛舊好李王南北  
梁謝飄零獨子與明卿在焉俯仰傷  
情賦此寄臆

荆高一去燕市虛獨留爾輩空躊躇黃金  
七首今安在擊筑悲歌恐自踈千古英雄  
堪俯仰一朝聚散有樵漁江山南北秋華  
潤腸斷孤鴻八月書

寄袁三子敬

年握別楚江流一夜新霜擁去舟人隔  
蕪葭滄海暮書來風雨白蘋愁茂陵消渴  
還稱賦明月聽砧獨倚樓知爾詞華千氣  
象于今莫厭鹿門遊

雨中聞島夷消息太劇

一雨滄江起杖藜愁邊芳草正萋萋天門  
石裂雙雷下海國烽高萬象迷百戰蒼生  
鮫室裏頻年赤羽鳳城西謝安莫負東山  
望昨日徵書到會稽



二月五日。

今年春事何太遲二月五日寒如絲細雨  
忽見芳草色晴雲猶護梅花枝鼓吹長江  
日夜急羽書匹馬東西馳天時人事且如  
此忍向青山歌紫芝

送太史李公還朝

楚江二月送朱輪江上千家長白蘋宮錦  
尚留叢桂色仙舟不住廣陵春雲間鷓鴣  
含香入日下夔龍佩玉新一自周南歸太

實石渠視草更何人

北去樓船向紫垣長途芳草日開樽漢庭  
秋問仙人掌方朔才高金馬門群盜兵戈  
無上策蒼生顛顛滿中原安危將相須公  
等宵旰于今獨至尊

酬沈二山人

夜夜西風吹客纓江湖只尺有離情高秋  
伏枕黃柑盡明月懷人白髮生雨後桑麻  
頻入寇年來畎畝只談兵亦知已作漁樵

伴未必深山好遊名

顧一丈夜集

江上草堂開夕陽寒波十里即滄浪西湖  
客到扁舟雨故國鴻歸昨夜霜一別鬢殘  
胡馬後兩秋書隔楚雲長相逢斗酒且沉  
醉草

懷公實

梁鴻一跡向樵漁予亦歸來掃敝廬青芷  
孤丹空自遠黃金大藥竟何如桂殘淮海

秋移病草碧羅浮夜著書三十六峰明月  
裏相逢亦有紫霞裾

席上贈劉一丈墀石

滿目垂蘿青不收何人日日問群鷗尊前  
細雨千峰暮天外明星萬樹流歲月豈能  
殘楚佩行藏且莫問吳鉤憐君空抱蒼生  
策一卧江門四十秋

早春寄明卿舍人時以使事還楚

湖南湖北春氣鮮渚鷗沙鷺何翩翩梅花

千嶂暮不落芳草雙江寒可憐漢使近持  
金馬節楚漁難別洞庭船醉來偃蹇三湘  
裏更是何人白雪篇

過揚州

湖上行吟落日邊高秋蕭索倍婁然蕪城  
舊識參軍賦玉樹空傳帝者篇隋苑雲殘  
楊柳色邗江夜斷蕪蘆煙可憐白舫青簑  
者尚有漁歌似昔年

青楓滿目生悲涼二十四橋空石梁明月

正簫何處聽寒江秋草為誰長西雲獨照  
崑崙紫古道頻吹杜若香世故客愁那有  
極欲憑尊酒問垂楊

真州謁文丞相祠

文相祠前楓樹丹真州城外送波瀾千秋  
不盡中原泪此地真成故國看一自燕雲  
孤騎入至今龍氣大江寒客游莫聽胡笳  
起白日青天處處殘

春日

上卷詩天

春風冉冉吹山亭春日娟娟迴翠屏淮浦  
又見桂枝發江洲重入蘼蕪青落花流水  
去杳杳石泉飛雨寒泠泠愁來甘卧茂陵  
病寂寞雲霄空客星

冬至夜高子明陸子和子培舍弟集

小館

孤夜羣星聚此筵寒梅細石晚相鮮兩儀  
消息還長日雙鋏追隨自昔年人世歲華  
空鬢髮江門戎事正風煙哀時詞客無今

古久矣吾悲庾信篇

得元美書

江上孤槎憶送君薊門消息阻秋分驚風  
萬里吹胡鴈錦字千行墜楚雲竝極頻頒  
龍武詔東吳新挫伏波軍漁樵舊業無須  
問處處青山泣紫氛

懷余德甫比部

一別垂楊秋又分楚材原自豫章聞七陵  
寒吹歌明月列署秋衣生白雲病乞薜蘿

空復遠日看麋鹿遂為群尺書未報燕南  
使何處聽鴻不憶君

諸子夜集因寄長庚

萬里西風吹急湍  
荊堂幽事起憑欄  
客尋玄草頻捐佩  
醉倚青松不著冠  
漁父暮歸雙艇急  
鮫人夜語一江寒  
聞君已作滄霞侶  
石上瑤華只自看

七夕

今年七夕又山家  
散髮孤吟到暮霞  
天上

雙星罷機杵  
湖南斗酒出蕪葭  
白雲中夜來  
江色紫蕪清  
秋長石華萬里  
天河寒在眼  
何人只尺問仙槎

寄錢惟重時以使事還吳

使者持節瀟湘回  
三吳消息愈堪哀  
蛟螭盡飲太湖水  
麋鹿又上姑蘇臺  
組練徵兵已百戰  
艱危報主須群才  
君看眼底紛紛者  
躍馬卧龍安在哉

得方山人書

憶昔同登冀北臺黃金識爾入燕才三秋  
消息胡雲斷十月音書楚使來落日中原  
猶作客扁舟滄海負停盃青楓莽莽孤鴻  
暮何處臨高首重回

子與投書約訪山中賦此以待

聞君遙別薊門樓錦纜牙檣漢使舟昨日  
書來桐栢水西風病卧廣陵秋霜前鴻落  
驚相問江上龍歸空復愁昔者淮南招隱  
後幾人能問桂枝幽

病起

病起蕭然一鶻冠年年春事鹿門看長堤  
芳草愁邊綠落日梅花笛裏寒吳使傳書  
多戰伐楚人貽佩只椒蘭武陵稍隔滄浪  
水遲爾秋風把釣竿

頻年

頻年客淚滿蓬蒿是處生涯半羽旄漢詔  
北來戎馬急楚江南去陣雲高三軍歲晚  
悲蘆角諸將秋深損戰袍百計艱危君莫

問宵衣此日。聖躬勞。

表二丈夜訪山館劉一文偕集二首  
湖北湖南落日斜誰來題竹野人家自言  
海上多秦石始信河邊有漢槎斗酒共聽  
今夜雨江梅曾對十年花別來玄草今何  
似容易秋風老歲華

石門寒雨永茲宵多病文園起寂寥已分  
白頭仍進履相逢青眼自垂髫時來蕭艾  
偏多色歲晚魚龍何太驕偃蹇楊雄終獻

賦西風莫問赤城樵

得明卿還京消息却寄

憶尔孤帆落日遙洞庭秋色莽蕭條  
幽蘭雜佩湘君贈暮雨高唐楚客驕  
方朔已歸金馬詔敢乘空賦廣陵潮  
悲歌舊侶相逢日何處胡姬醉紫貂

孫子升過訪

四海賓朋舊不疎可憐跡跡斷樵漁  
白蘋客到秋江雨赤鴈吾愁隔歲書  
湖上一尋

停夕吹山中十日把萊福知君即草明先  
賦空有相思到救廬

蜀道

蜀道之難自古今豈令華髮獨能任思家  
多少玄猿淚解綬徘徊赤子心秋落舟航  
巫峽險人言風雪錦江深坐來萬里誰消  
息明月關山處處砧

渡河

舟東望淮水潯長空搖落千樹林關

蕭條紫極遠魚龍浩蕩黃河深中流羯鼓  
起還色萬里天風吹夕陰懷抱鬱鬱復為  
客白石滄江違寸心

舟夜夢顧一丈

呂梁之水青石磯中天寒月何霏微梅蕊  
寂寞有誰賦芳草飄零胡不歸江海故人  
忽入夢英雄白首空霑衣明朝懷袖有尺  
素安得雙鴻雲際飛

登景山落霞亭



雪後登山落木繁朱霞猶自出天根竒峯  
斷石頻停馬絕壁枯枝亂掛猿桂樹千秋  
懷舊國浮雲何處望中原蓬萊東去未為  
遠吾欲乘風叩日門  
搖落青楓此二臺石門雙磴倚崔嵬河流  
南注崑崙折龍氣西看芒碭摧十月衣裳  
寒杵急孤城睥睨暮笳哀故山麋鹿還誰  
主楚水淮雲首重回

南旺湖夜泊

落日孤舟下石梁蕪葭寒色起蒼茫  
忽墮大湖水明月長流萬里光中夜鷓鴣  
迴朔氣南來鴻鴈亂胡霜他鄉歲暮悲游  
子涕淚時時滿客裳



卷之六  
六



